


土岐文庫

文庫17

W83

3



15

20

25

文庫 17  
W83  
3

010185194170

昭和六十年二月二日  
寄贈  
吉原氏

宋詩別裁卷五

門司  
亮藏書

禁林春直  
上言律

姚培謙述齋

雲間張泉星二銘點閣

王永祺補堂

禁林春直

李昉

疎簾搖曳日輝輝。直閣深嚴半掩扉。一院  
有花春晝永。八方無事詔書稀。樹頭百轉

卷五 上言律 一

宋詩

卷五

鶯鶯語。梁上新來燕燕飛。豈合此身歸此地。妨賢尸祿自知非。

京口江際弄水

徐鉉

退公求靜獨臨川。楊子江南二月天。百尺翠屏甘露閣。數帆晴日海門船。波澄瀨石寒如玉。草接汀蘋綠似烟。安得乘槎更東去。十洲風外弄潺湲。

送郝郎中爲浙西判官

大藩從事本優賢。幕府仍當北固前。花繞樓臺山倚郭。寺臨江海水連天。恐君到即忘歸日。憶我遊曾歷三年。若許他時作閑伴。殷勤爲買釣魚船。

舟中晚望桃源山

張詠

仙山初指眼。初明倚棹因。妨半日程雲裏。未庸迷去路。世間爭合有浮名。嵩空闍老松千尺。天靜時聞鶴一聲。更謝暮霞憐惜。

宋詩

卷五 七律 二

別滿坡紅影照峰巒

寒食

王禹偁

今年寒食在西山。山裏風光亦可憐。稚子  
就花拈蚊蝶。人家依樹繫鞦韆。郊原曉綠  
初經雨。巷陌春陰乍禁烟。副使官閑莫惆  
悵。酒錢猶有撰碑錢。

日長簡仲咸

日長何計到黃昏。郡僻官閑晝掩門。子美  
集開詩。世界伯陽書。見道根源風騷北院  
花千片。月上東樓酒一樽。不是同年來主  
郡。此心牢落共誰論。

寄獻潤州趙舍人

南徐城古樹蒼蒼。衙府樓臺盡枕江。甘露  
鐘聲清醉榻。海門山色滴吟牕。直廬久負  
題紅藥。出鎮何妨擁碧幢。聞說秋來自高  
尚。道裝筇竹鶴成雙。

宋詩

卷五

七律

三

送羅著作奉使湖湘

使星躔次入長沙。曉別延英去路賒。數刻  
漏中承密旨。幾重湖外奉皇華。山行馬拂  
湘川石。寺宿僧供嶽麓茶。廻日期君直西  
掖。當階紅藥正開花。

新秋即事

宦途流落似長沙。賴有詩情遣歲華。吟弄  
波臨釣渚。醉披殘照入僧家。石換苦竹  
旁抽筍。雨打戎葵臥放花。安得君恩許歸  
去。東陵閑種一園瓜。

寄題義門胡氏華林書院

水閣山齋架碧虛。亭亭華表映門閭。力田  
歲取千箱稻。好事家藏萬卷書。旋對杯盤  
燒野笋。別開池沼養溪魚。吾生未有林泉  
計。空媿妨賢卧直廬。

上李昉相公

王操

宋詩

卷五

七律

四

弱冠登龍入粉闈。少年清貴古來稀。袖中  
詔草朝天去。頭上宮花待宴歸。卓筆玉堂  
寒漏迴。捲簾池館水禽飛。三台位近猶多  
遜。閑听秋霖憶翠微。

梁舍人奉使巴中

楊億

藥署深嚴纔草詔。劍關迢遞忽乘輶。霜天  
歷歷巴猿苦。山路駸駸笮馬驕。梁苑寒風  
吹別袂。瞿塘春水送歸橈。紫垣遣使非常  
例。應有星文動九霄。

成都

五丁力盡蜀山通。千古成都綠酎醲。白帝  
倉空蛙在井。青天路險劍爲峰。漫傳西漢  
祠神馬。已見南陽起卧龍。張載勒銘堪作  
戒。莫矜函谷一丸封。

梨

繁花如雪蚤傷春。千樹封侯未是貧。漢苑

宋詩  
漫傳盧橘賦。驪山誰識荔枝塵。九秋青女  
霜添味。五夜方諸月溜津。楚客狂醒朝已  
解。水風猶自獵汀蘋。

寄靈仙觀舒職方學士

綠髮郎潛不記年。却尋丹竈味靈篇。華陰  
學霧還成市。彭澤橫琴豈要絃。曉案祇應  
餐沆瀣。夜灘誰見弄潺湲。須知吏隱金門  
客。待乞刀圭作地仙。

寄靈仙觀舒職方學士

錢惟演

方瞳玄髮粉闈郎。絳闕齋心奉紫皇。徵士  
高懷雲在領。騷人秋思水周堂。閑園露草  
開三徑。靈宇華燈燭九光。知有美田堪種  
玉。幾時春渚逐歸航。

公舍春日

丁謂

綠楊垂線草鋪茵。觸處烟光舉眼新。一品

也須妨白髮千金莫惜買青春鶯聲圓滑  
堪清耳花艷鮮明欲照身獨向此時為俗  
吏風流知是不如人

燈

穆脩

杳杳有時當永恨依依何處照閑眠靜臨  
客枕愁寒雨遠逐魚逢耿暝烟纖影乍歎  
還自立冷花時結不成圓銷魂猶憶江樓  
夜曾對離觴賦短篇

西湖春日

林逋

爭得才如杜牧之試來湖上輒題詩春烟  
寺院鼓茶鼓夕照樓臺卓酒旗濃吐樵芳  
薰燻暖濕飛雙翠破連漪人間幸有蓑兼  
笠且有漁舟作釣師

山園小梅

眾芳搖落獨暄妍占盡風情向小園疎影  
橫斜水清淺暗香浮動月黃昏霜禽欲下



宋詩

卷五

七

先偷眼粉蝶如知合斷魂幸有微吟可相狎不須檀板共金尊

梅花

吟懷長恨負芳時爲見梅花輒入詩雪後園林纔半樹水邊籬落忽橫枝人憐紅艷多應俗天與清香似有私堪笑胡雛亦風味解將聲調角中吹

寒食

宋

九門烟樹蔽春塵小雨初晴淡火前草色引開盤馬地簫聲催暖賣錫天紫絲蚤絮輕無著弄袖和風細可憐鼇署恃臣貪出沐珉糜珠餽愧頒宣

落花

墜素翻紅各自傷青樓烟雨忍相忘將飛更作迴風舞已落猶成半面妝滄海客歸珠迸淚章臺人去骨遺香可能無意傳雙

蝶盡付芳心與蜜房

將到都先獻樞密太尉相公

再試州旗驗不才。卻將憔悴到中臺。相車  
問罷同牛喘。大厦成時與燕來。今日謀猷  
須丙魏。他年賓客但鄒枚。西園聞道餘春  
在。尚及花前灑灑杯。

擬杜子美峽中意

天入虛樓倚百層。四方遙謝此登臨。驚風

借壑為寒籟。落日容雲作暝陰。峴井北拋  
王粲宅。楚衣南逐女嬃砧。十年不識長安  
道。九籥宸闈紫氣深。

集西園

日日西園春思催。攜觴結客上高臺。正緣  
從事青州至。更喜書生洛下來。時州醜既  
美。又命座  
客賦。蚤葉已成花。半落新巢未定燕。千回  
芳辰物物皆堪愛。併作南陽倒載媒。

宋詩

卷五

九

示張寺丞王校勘

晏殊

元已清明假未開，小園幽徑獨徘徊。春寒不定斑斑雨，宿醉難禁滌滌杯。無可奈何花落去，似曾相識燕歸來。遊梁賦客多風味，肯惜青錢萬選才。

寓意

油壁香車不再逢，峽雲無迹任西東。梨花院落溶溶月，柳絮池塘淡淡風。幾日寂寥傷酒後，一番蕭索禁烟中。魚書欲寄何由達，水遠山長處霧同。

奉和御製上元觀燈

夏竦

魚龍曼衍六街呈，金鎖通宵啓玉京。冉冉遊塵生輦道，遲遲春箭入歌聲。寶坊月燄龍燈淡，紫館風微鶴燄平。宴罷南端天欲曉，迴瞻河漢尚盈盈。

登廣教院閣

韓琦

岑寂禪扉啓畫關。公餘爲會一開顏。高臺  
 面壘包平野。老柏參天礙遠山。花去春叢  
 蝴蝶亂。雨勻朝圃桔槔閑。徘徊軒檻何時  
 下。直待前枝倦鶻還。

次韵和子淵學士春雨

天幕沉沉淑氣溫。雨絲輕軟墜雲根。洗開  
 春色無多潤。染盡花光不見痕。寂寞畫樓  
 和夢鎖。依稀芳樹過人昏。堂虛座密珠簾

下試問淳于醉幾樽

招仲通司封府園避暑

文彦博

騎山樓下水軒東。一室初開待白公。白云

欲于南溪上別葺一室與白博止宿故詩

云終恐不如南澗上別開一室待閑人

雖是不如南澗上。都緣卻有北窗風。銜杯  
 避暑稱河朔。飛蓋延賓在鄴中。解榻况逢  
 徐孺子。饋漿茹飯與君同。

初入峽

趙抃

峽江初過三遊洞。天氣新調二月風。樵戶人家隨處見。仙源雲路有時通。峰巒壓岸東西碧。桃李臨波上下紅。險巖惡灘各幾許。晚停征棹問漁翁。

三日赴宴口占

歐陽修

賜宴初逢禊節佳。昆池新漲碧無涯。九門寒食多游騎。三月春陰正香花。共喜流觴修故事。自憐霜鬢惜年華。鳳城殘照歸鞍晚。禁籞無風柳自斜。

懷嵩樓新開南軒與郡僚小飲

繞郭雲烟匝幾重。昔人曾此感懷嵩。霜林落後山爭出。野菊開時酒正濃。鮮帶西風飄畫角。倚欄斜日照青松。會須乘醉攜嘉客。踏雪來看羣玉峯。

內直對月寄子華舍人持因廷評

禁署沉沉玉漏傳。月華雲表溢金盤。纖埃不隔光初滿。萬物無聲夜向闌。蓮燭燒殘愁夢斷。蕙爐薰散覺衣單。水精宮鎖黃金闕。故比人間分外寒。

唐崇徽公主手痕和韓內翰

故鄉飛鳥尚啁啾。何況悲笳出塞愁。青塚埋魂知不返。翠崖遺迹為誰留。玉顏自古為身累。肉食何人與國謀。行路至今空歎

息巖花澗草自春秋

蘇主簿挽歌

洵

布衣馳譽入京都。丹旆俄驚反舊閭。諸老誰能先賈誼。君王猶未識相如。三年弟子行喪禮。千兩鄉人會葬車。我獨空齋挂塵榻。遺編時閱子雲書。

戲荅元珍

春風疑不到天涯。二月山城未見花。殘雪

宋詩

卷五

壓枝猶有橘。凍雷驚笋欲抽芽。夜聞歸鴈  
生鄉思。病入新年感物華。曾是洛陽花下  
客。野芳雖晚不須嗟。

滄浪懷貫之

蘇舜欽

滄浪獨步亦無惊。聊上危臺四望中。秋色  
入林紅黯淡。日光穿竹翠玲瓏。酒徒漂落  
風前燕。詩社凋寒霜後桐。君又暫來還徑  
去。醉吟誰復伴衰翁。

送樂職方知泗州

梅堯臣

長堤凍柳不堪折。窮臘使君單騎行。蘇合  
輕裘霜莫犯。銅牙大弩吏先迎。山旁楚賈  
連檣泊。水上禹書寒磬清。試向郡樓東北  
望。烟波千里月臨城。

送少卿張學士知洪州

朱旗畫舸一百尺。五月長江水拍天。穩去  
先應望廬岳。斬來誰復見龍泉。閣經吏部

宋詩

卷五

七律

古

重為記山識吳王舊鑄錢。往迹可尋軍事少。賸書遺逸附青編。

和韓欽聖學士襄陽聞喜亭

亭欄下望漢江水。淨綠無風寫鏡明。日脚穿雲射洲影。槎頭擺子出潭聲。檣帆落處遠鄉思。砧杵動時歸客情。使者徘徊有佳興。高吟不減謝宣城。

上元進詩

蔡襄

登翠青峰寶炬森。端門方佇翠華臨。宸遊不為三元夜。樂事全歸萬衆心。天上清光開夜色。人間和氣閣春陰。要知盡作華封祝。四十年來惠化深。

錢塘上元夜祥符寺陪咨臣郎中丈

燕席

月明如晝露華濃。錦帳名郎笑語同。金地夜寒清美酒。玉人春困倚東風。紅雲燈火



浮滄海碧水樓臺浸遠空。白髮蹉跎歡意少。強顏猶入少年叢。

甘露寺多景樓

欲收佳景此樓中。徙倚闌干四望通。雲亂水光浮紫翠。天含山氣入青紅。一川鐘鼎淮南月。萬里帆檣海外風。老去衣衿塵土在。祇將心目羨宜鴟。

上元

金鞍馳騁屬兒曹。夜半喧闐意氣豪。明月滿街流水遠。華燈入望衆星高。風吹玉漏穿花急。心近朱闌送目勞。自笑低心逐年少。祇尋前事撥霜毛。

寒食許昌道中寄幕府諸君

司馬光

原上烟蕪淡復濃。寂寥佳節思無窮。竹林近水半邊綠。桃樹連村一片紅。盡日解鞍

宋詩

卷五

七律

六

山店雨。晚天回首酒旗風。遙知幕府清明  
飲。應笑驅馳羈旅中。

伏蒙留守相公賜示陪太師路公東

田宴集詩。輒敢屬和

舞雩新雨浹公田。水滿東溪上下天。行徑  
不。迥初見筍浮舟。正好未生蓮。絃收裂帛  
胡琴闕。袖結清風楚舞妍。相國火城光滿  
路。夜歸不假玉蟾圓。

依韵恭和御製上元觀燈

王珪

雪消華月滿天臺。萬燭當樓寶扇開。雙鳳  
雲中扶輦下。六鼇海上駕峯來。鎬宮春酒  
霏周宴。汾水秋風陋漢才。一曲昇平人盡  
樂。君王又進紫霞杯。

次韵和元厚之平羗

詔收新土鳳林東。四百餘年陷犬戎。葱嶺

七律

七律

七律

自橫秦塞上。金城還落漢。圖中輕裘坐。欸  
無遺策。解髮來庭有。舊風零雨未。濛音已。  
捷不勞歸旅。咏周公。

聞神誇脂米川大捷

神。兵。十。萬。忽。乘。秋。西。磧。妖。氛。一。夕。收。疋。馬。  
不。嘶。榆。塞。外。長。城。自。起。玉。關。頭。君。王。別。繪。  
凌。烟。閣。將。帥。今。輕。定。遠。侯。莫。道。無。人。能。報。  
國。紅。旗。行。去。取。涼。州。

金陵懷古

王安石

霸。祖。孤。身。取。一。江。子。孫。多。以。百。城。降。豪華。  
盡。出。成。功。後。逸。樂。安。知。與。禍。雙。東。府。舊。基。  
留。佛。剎。後。庭。餘。唱。落。船。牕。黍。離。麥。秀。從。來。  
事。且。置。興。亡。近。酒。缸。

天。兵。南。下。北。橋。江。敵。國。當。時。指。顧。降。山。水。  
雄。豪。空。復。在。君。王。神。武。自。難。雙。留。連。落。日。  
頻。回。首。想。像。餘。墟。獨。倚。牕。却。怪。夏。陽。纔。一。

葦漢家何事費罌缸。

地勢東回萬里江。雲間天闕古來雙。兵纏四海英雄得聖出。中原次第降山水。寂寥埋王氣。風烟蕭颯滿僧牕。宛陵壞塚空冠劍。誰復沾纓酹一缸。

憶昨天兵下蜀江。將軍談笑士爭降。黃旗已盡年三百。紫氣空收劍一雙。破堞自生新草木。廢宮誰識舊軒窓。不須搔首尋遺

事。且倒花前白玉缸。

登寶公塔

僂童疲馬放松門。自把長筇倚石根。江月轉空為白晝。簷雲分暝遞黃昏。鼠搖岑寂聲隨起。鷓鴣荒寒影對翻。當此不知誰客主。道人忘我我忘言。

次韵平甫金山會宿寄親友

天末海門橫北固。烟中沙岸似西興。已無

宋詩

卷五十七

船舫猶聞笛。遠有樓臺祇見燈。山月入松金破碎。江風吹水雲崩騰。飄然欲作乘桴計。一到扶桑恨未能。

段氏園亭

歌眠隨水轉東垣。一點秋烟映水昏。漫以芙蓉難覓路。脩以楊柳獨知門。青山呈露新如染。白鳥嬉遊靜不煩。朱雀航邊今有此。可能搖蕩武陵源。

次御河寄城北會上諸友

客路花時紙攪心。行逢御水半晴陰。背城野色雲邊盡。隔屋春聲樹外深。香草已堪回步履。午風聊復散衣襟。憶君載酒相追處。紅萼青跗定滿林。

寄袁州曹伯玉使君

宜春城郭繞樓臺。想見登臨把一盃。濕濕嶺雲生竹菌。冥冥江雨熟楊梅。政成定入

六詩

卷五十七

七律

邦人詠詩就還隨驛使來錯莫風沙愁病  
眼不知何日為君開。

池上春日

王安國

一池春水綠於苔。水上花枝間竹開。芳草  
得時依舊長。禽禽無事等閒來。年顏近老  
空多感。風雅含情苦不才。獨有浴沂遺想在。使人終日此徘徊。

登湖光亭

韓維

雪盡塵清徑露沙。公家池館似山家。翠痕  
滿地初生草。紅氣通林未放花。匝岸平波  
清照鴈。壓城危榭斗回鴉。自慚白首猶圭  
組。此地年年賞物華。

烟雨樓

鄭俠

仙人居處即鰲宮。更作層樓峭倚空。羣岫  
西來烟漠漠。大江南去雨濛濛。花鑿柳葉  
熙怡裏。耘笠漁蓑笑語中。別有夜楹千里

月凭欄。消興與誰司。

遍冀州聞介甫送澄使當相遇繼得  
移文以故事請避諸路又以詩見寄

次韵和答

沈 邁

風沙做盡舊狐裘。走馬歸來過冀州。聞報  
故人當邂逅。便臨近館為遲留。不容傾蓋  
論時事。空寄新詩寫客愁。却望後車塵已  
合。簫聲清斷去如流。

思京口戲周器之

王 令

江南別日醉方醺。貪爰青天帶水痕。忘却  
碧山歸路直。誤投浮世俗塵昏。終期散髮  
江邊釣。當有漁舟日繫門。但恨故人猶喜  
仕。他時曾腹未堪論。

郊行即事

程伯子

芳原綠野恣行時。春入遙山碧四圍。興逐  
亂紅穿柳巷。困臨流水坐苔磯。莫辭盞酒

十分醉。只恐風花一片飛。况是清明好。天氣不妨游衍。莫忘歸。

傅堯俞濟源草堂

蘇軾

微官共有田園興。老罷方尋隱退廬。栽種成陰十年事。倉皇求買萬金無。先生卜築鹽清濟。喬木如今似畫圖。鄰里亦知偏愛竹。春來相與護龍雛。

新城道中

東風知我欲山行。吹斷蒼苔開積雨。聲嶺上晴雲披絮帽。樹頭初日挂銅鉦。野桃含笑竹籬短。溪柳自搖沙水清。西崦人家應最樂。煮芹燒笋餉春耕。

正月二十日往岐亭郡人潘古郭三人送余於女王城東禪莊院

十日春寒不出門。不知江柳已搖枝。稍聞泱泱流水谷。盡放青青沒燒痕。數畝荒園



東詩  
留我住半甌濁酒待君溫。去年今日關山路細雨梅花正斷魂。

與秦太虛參寥會于松江而闕彦長  
徐安中適至分韻得風字

吳越溪山興未窮。又扶衰病過垂虹。浮天自古東南水送客。今朝西北風絕境自忘千里遠。勝遊難復五人同。舟師不會留連意。擬看斜陽萬頃紅。

二子緣詩老更窮。人間無處吐長虹。平生睡足連江雨。盡日舟橫岸峒風。人笑年來三黜慣。天教我輩一樽同。知君欲寫長相憶。更迸銀盤尾鬣紅。

岐亭道上見梅花戲贈季常

蕙死蘭枯菊亦摧。返魂香入嶺頭梅。數枝殘綠風吹盡。一點芳心雀啣開。野店初嘗竹葉酒。江雲欲落豆稭灰。行當更向鉞頭

見病起烏雲正作堆

二月三日點燈會客

江上東風浪接天，苦寒無賴破春妍。試開  
雲夢羔兒酒，快瀉錢塘藥玉船。蟹市光陰  
非故國，馬行燈火記當年。冷烟温雪梅花  
在，留得新春作上元。

舟行至清遠縣見顧秀才極談惠州  
風物之美

白鳥飛來觀者驚，東夷此邦宜著玉堂仙。江雲  
漠漠桂枝溼，梅雨條條荔子然。聞道黃柑  
常抵鵲，不容朱橘更論錢。恰從神武來弘  
景，便向羅浮見稚川。

正月二十六日偶與數客野步嘉祐  
僧舍東南野人家，雜花盛開扣門求。  
觀主人林氏媪，出應白髮青裙少寡。  
獨居三十年矣，感歎之餘作詩記之。

牙言  
卷五  
五  
縹帶。緗枝。出絳房。綠陰青子。送春忙。涓涓  
泣露。紫含芙蓉。燭七燒空。紅佛桑。落日孤烟。  
知客恨。短籬破屋。為誰香。主人白髮青裙。  
袂子。美詩中。黃四娘。

出潁口初見淮山是日至壽州

我行日夜向江海。楓葉蘆花秋興長。平淮  
忽迷天遠近。青山久與船低昂。壽州已見  
白石塔。短棹未轉黃茆岡。波平風軟望不  
到。故人久立烟蒼茫。

壽星院寒碧軒

清風肅肅掃塵扉。牕前修竹一尺圍。紛紛  
蒼雪落夏簟。冉冉綠霧沾人衣。日高山蟬  
抱葉響。人靜翠羽穿林飛。道人絕粒對寒  
碧。為問鶴骨何緣肥。

正月二十日與潘鄣二生出郊尋春  
忽記去年是日同至女王城作詩乃

和前韵

東風未肯入東門。走馬還尋去歲村。人似  
 秋鴻來有信。事如春夢了無痕。江城白酒  
 三杯釀。野老蒼顏一笑温。已約年年為此  
 會。故人不用賦招魂。

孤山二詠 并引

孤山有陳時柏二株其一為人所薪  
 山下老人自為兒已見其枯矣然堅

悍如金石愈于未枯者僧志任作堂  
 于其側名之曰柏堂上與白公居易  
 竹閣相連屬余作二詩以紀之

柏堂

道人手種幾生前。鶴骨龍姿尚宛然。巖幹  
 一先神物化。九朝三見太平年。忽驚華構  
 依巖出。乞與佳名到處傳。此柏未枯君記  
 取。灰心聊伴小乘禪。

竹閣

海山兜率雨茫然古寺無人竹滿軒  
 白鶴不留歸後語蒼龍猶具種時孫  
 雨叢却似蕭郎筆千畝空懷得上林  
 欲把新詩問遺像病維摩詰更無言

與述古自美堂乘月夜歸

始娟雲月稍侵軒  
 激上星河半隱山  
 魚鑰未收清夜永  
 鳳蕭猶在翠微間  
 淒風瑟縮

經絃柱香霧凄迷着  
 髻鬟共喜使君能鼓

樂萬人争看火城還

雪夜書北臺壁

黃昏猶作雨纖纖  
 夜靜無風勢轉嚴  
 但覺衾裯如潑水  
 不知庭院已堆鹽  
 五更曉色來書幌  
 半夜寒声落畫簷  
 試掃北臺看馬耳  
 未随埋沒有雙尖

城頭初日始翻鴉  
 陌上晴泥已沒車  
 凍合

玉樓寒起粟光搖銀海眩生花。遺蝗入地  
應千尺宿麥連雲有戍家。老病自嗟詩力  
退空吟水柱憶劉公。

六年正月二十日復出東門仍用前

韻

亂山環合水侵門。身在淮南盡處村。五畝  
漸成終老計。九重新掃舊巢痕。豈惟見慣  
沙鷗熟。已覺來多釣石溫。長與東風約。各

日暗香先返玉梅魂。

次韻王晉卿奉詔押高麗燕射

北苑傳呼陞楮郎。東蕃初識令君香。天山  
自可三箭取。海國何勞一葦航。宣勸不辭  
金盃側。醉歸爭看玉鞭長。錦囊詩草勤收  
拾。莫遣雞林得夜光。

紅梅

怕愁貪睡獨開遲。自恐冰容不入時。故作

宋詩

卷五

七律

七

小紅桃杏色尚餘孤瘦雪霜姿寒心未肯  
隨春態酒暈無端上玉肌詩老不知梅格  
在更看綠葉與青枝石曼卿紅梅詩云認  
苑無綠葉辨杏有青  
枝

送龔鼎臣諫議移守青州

蘇轍

稷下諸公今成人三為諫議髮如銀梁王  
宮殿歸留鑰尚父山河屬老臣沂水絃歌

重曾點雷川故舊識平津過家定有金錢  
費梓里爭看衣錦身

西山負海古諸侯信美東南第一州勝概  
未容秦地險奇花僅比雒城優新絲出盜  
冬裘易貢棗登場歲事休鈴閣虛閑官釀  
熟應容將佐得遨遊

次韻張恕春暮

祇言城市無佳處亦有江湖幾度遊好雨

晴時三月暮啼鶯到後百花休老猿好飲  
常醉臂野馬依人自絡頭不肯低回池上  
醉試看生滅水中漚。

清涼寺

孔武仲

白寺荒灣略艤舟携筇來作上方遊何年  
巧匠開山骨自古精兵聚石頭故壘無人  
空向久高堂問話凜生秋雲菴快望窮千  
里一借澄江洗客憂。

八月十六日翫月

孔平仲

團團水鏡吐清輝今夜何如昨夜時只恐  
月光無好惡自憐人意有盈虧風摩露洗  
非常灑地潤天高是處宜百尺曹亭吾獨  
有更教玉篴倚欄吹。

西行

繚繞西行入亂山。白雲深處據征鞍。蒼花  
着雨。棋爭秀。棗頰迎陽一半丹。鞅掌未能



逃物役乾坤何處托身安  
苔臺東嚮情無限那更秋風作暮寒

造王館公第馬上作

濯上春容在柳梢野梅相壓吐香苞  
日邊明晦雲無定雨後寒暄氣欲交  
抱蕊懸蟲猶帶繭銜枝飛鳥已營巢  
高懷不愛三公府白水青山滿近郊

海陵西樓寓目

賀鑄

天涯尊酒與誰開  
風外徂春挽不回  
掃地可憐花更落  
卷簾無奈燕還來  
玉孫莫顧漳濱卧  
漁父何知楚客才  
強策駑駘懷故國  
浮雲千里思悠哉

烏江東鄉往還馬上作

悠悠東去欲何之  
草草西還可是歸  
殘日兩竿蕭戍遠  
青山滿眼故園非  
江田經雨強穡熟  
石路無風蟻蠟飛  
回羨耕夫閑勝

我蚤收雞犬閉柴扉。

九日登戲馬臺

當年節物此山川。倦客登臨獨惘然。戲馬臺荒年自久。斬蛇人去事空傳。黃華半老清霜後。白鳥孤飛落照前。不與興亡城下水。穩浮漁艇入淮天。

懷寄寇元弼

君後荒庫可知非。我飽官糧又願違。舊國

秋高鴻鴈過長淮。水落白魚肥。西風吹夢。端相覓南物。留人也念歸。何日盧軒下。雙榻滿持尊酒洗塵機。

江上有懷李易初

何處經行特惘然。津頭曾送木蘭船。桃花春水生前夜。楊柳秋風憶故年。驛路尺書疑斷絕。官倉斗米愧留連。飄飄復作江湖計。從此長安是日邊。

甘露上方

楊蟠

滄江萬景對朱欄。白鳥羣飛去復還。雲捧  
樓臺出天上。風飄鐘磬落人間。銀河倒瀉  
分雙月。錦水西來轉幾山。今古冥心難借  
問。且持玉爵破愁顏。

宋詩別裁卷六

姚培謙述齋

雲間張景星二銘點閱

王永祺補堂

七言律二

題落星寺

黃庭堅

落星開士深結庵。龍閣老翁來賦詩。寺僧  
擇隆  
作宴坐小軒。為  
落星之勝處。小  
雨藏山客坐久。長江接

天帆到遲宴。寢清香與世。隔畫圖絕妙無。  
人知。僧隆畫甚富。而寒蜂房各自開。戶牖  
處處煮茶藤一枝。

次韵裴仲謀同年

交蓋春風汝水邊。客牀相對卧僧氈。舞陽  
去葉纔百里。賤子與公俱少年。白髮齊生  
如有種。青山好去坐無錢。烟沙篁竹江南  
岸。輸與鸕鷀取次眠。

登快閣

癡兒了却公家事。快閣東西倚晚晴。落木  
千山天遠大。澄江一道月分明。朱絃已為  
佳人絕。青眼聊因美酒橫。萬里歸船弄長  
笛。此心吾與白鷗盟。

夏日夢伯兄寄江南

故園相見畧雍容。睡起南牕日射紅。詩酒  
一年談笑隔江山。千里夢魂通河天。月暈

宋詩

卷六 七律

二

魚分子。榭葉風微。鹿養茸。幾度白沙青影。  
裏審聽嘶馬。自措筇。

次韵裴仲謨和何先輩 秦觀

汝南古郡。寡參尋。兀兀長如鶴在陰。支枕  
星河橫。醉後入簾風絮。報春深。青山未落  
詩人手。白髮誰知國士心。多謝名郎傳綠  
綺。愧無佳句比南金。

遊龍瑞宮次程公韵

靈祠真館。闕山隈。形勢相高對越臺。莓徑  
翠依屏上。轉藕花紅繞。鑑中開。鶴啣寶箭  
排烟去。龍護金書帶。雨來夾道。萬屋攢騎  
火滿城。爭看使君回。

次韵子瞻贈金山宝覺大師

雲峰一變。隔炎涼。猶喜重來飯積香。宿鳥  
水干迎曉。鬧亂帆天際。受風忙。青鞋踏雨  
尋幽徑。朱火籠紗語上方。珍重故人敦妙

宋詩

卷六十一 三

契自憐身世兩微茫。

魚溝懷家

晁補之

生涯身事任東西。藥笥書囊偶自賫。柳嫩  
桑柔鴉欲乳。雪消冰動麥初齊。沙頭晚日  
檣竿直。淮上春風鴈鶩低。歸去未應芳物  
老。桃花如錦遍松溪。

登海州城樓

張耒

城外倉皇日夜流。城南山直對城樓。溪田

雨足禾先熟。海樹風高葉易秋。疎傳里闕  
詢故老。秦皇車甲想東遊。客心不待傷千  
里。檻外風烟盡是愁。

夏日

長夏村墟風日清。簷牙燕雀已生成。蝶衣  
攏粉花枝午。蛛網添絲屋角晴。落落疎簾  
邀月影。嘈嘈虛枕納溪聲。久拚兩鬢如霜  
雪。直欲憑漁過此生。

宋詩

卷六十一 四

黃簾翠幕斷飛蠅。午影當軒睡未興。枕穩  
海魚鑄紫石。扇凉山雪畫青絳。廊陰日轉  
彫欄樹。坐冷風生玉盃冰。滿案詩書塵蠹  
其。故應疎懶過炎蒸。

棗徑瓜畦經雨涼。白衫烏帽野人裝。幽花  
避日房房斂。翠樹含風葉葉涼。養拙久判  
藏姓字。置身安事巧文章。漢庭卿相皆豪  
傑。不遇何妨白髮郎。

和周廉彥

天光不動晚雲垂。芳草初長襯馬蹄。新月  
已生飛鳥外。落霞更在夕陽西。花開有客  
時。攜酒門冷無車出。畏泥修禊洛濱期。一  
醉天津春浪綠。浮堤。

九日寄秦觀

陳師道

疾風回雨水。明霞沙步叢祠欲。莫鴉九日  
清樽欺白髮。十年為客負黃花。登高懷遠

宋詩

卷六十七律

五

心如。在。向。老。逢。辰。意。有。加。淮。海。少。年。天。下。  
士。可。能。無。地。落。烏。紗。

次韵李節推九日登南山

平。林。廣。野。騎。臺。荒。山。寺。鳴。鐘。報。夕。陽。人。事。  
自。生。今。日。意。寒。花。只。作。去。年。香。巾。歆。更。覺。  
霜。侵。鬢。語。妙。何。妨。石。作。腸。落。木。無。邊。江。不。  
盡。此。身。此。日。更。須。忙。

春懷示隣里

斷。墻。着。雨。蝸。成。字。老。屋。無。僧。燕。作。家。乘。欲。  
出。門。追。語。笑。却。嫌。歸。鬢。着。塵。沙。風。翻。蛛。網。  
開。三。面。雷。動。蜂。窠。趁。兩。任。屢。失。南。隣。春。事。  
約。只。今。容。有。未。開。花。

和冠十一晚登白門

重。門。傑。觀。屹。相。望。表。裏。山。河。自。一。方。小。市。  
張。燈。歸。意。動。輕。衫。當。戶。晚。風。長。孤。臣。白。首。  
逢。新。政。遊。子。青。春。見。故。鄉。富。貴。本。非。吾。輩。



事。江湖安得更相忘。

城上

彭汝礪

孤城縱目盡南東。山轉溪回翠且重。雲際  
靜浮濱。漢水林端清送上方鐘。今時漢北  
無雛鳳。當日襄南有卧龍。萬事廢興無足  
問。登臨吾樂正從容。

寄隱居士

謝逸

處士骨相不封侯。卜居但得林塘幽。家藏

玉牒幾千卷。手校韋編三十秋。相知四海  
孰青眼。高卧一麾今白頭。襄陽耆舊郎獨  
苦。只有龐公不入州。

偕陳調翁龍山買舟待夜潮完

蘇過

來逢春雨長魚苗。去見秋風擘蠙蜃。久矣  
歸心到鄉國。依然水宿伴漁舟。一。天如許  
皆明月。二。客所須惟濁醪。今夜四更潮有

信更須留眼看銀濤。

夜泊寧陵

韓駒

泝水日馳三百里。扁舟東下更開帆。且辭  
杞國風微北。夜泊寧陵月政南。老樹挾霜  
鳴翠上。寒花垂露落蓀上。茫然不悟身何  
處。水色天光共蔚藍。

和上舍冬日書事

北風吹日晝多陰。日暮擁階黃葉深。倦鶻  
遶枝翻凍影。飛鴻摩月墮孤音。推愁不去  
如相覓。與老無期稍見侵。願藉微官少年  
事。病來那復一分心。

奉送晁伯南歸金谿

張元幹

君家諸父多人傑。半是平生親舊聞。莫話  
故園空矯首相逢。逆旅足開顏。文元勲業  
全。甌字昭德風流玉笋班。此去騰騰吐虹  
氣。何由來伴老夫閑。

宋詩

卷六

書寧川驛壁

汪藻

過眼空花一餉休。坐狂猶得佐名州。雖遭  
灑吏嗤韓子。却喜溪神識柳侯。盡日野田  
行一極。有時雲嶠聽鉤一。會將新濯滄浪  
足。踏遍千巖萬壑秋。

渡橫溪

李彌遠

百尺滄浪兩岸沙。肩輿徒涉步歌斜。溪聲  
猶帶夜來雨。山色漸分雲外霞。岸曲斷林  
開鳥道。水邊疎竹近人家。塵埃何處尋真  
境。試逐寒流認落花。

凌歊晚眺

周紫芝

故鄉南望幾時回。落日登臨眼自開。倚杖  
獨看飛鳥去。開籠忽擁大江來。傷心不見  
姑溪老。抱病還尋宋武臺。歲晚無人弔遺  
跡。壁間詩在半灰埃。

次韻寄日新

周孚

宋詩

卷六

九

南去關河雪正深。尚煩歸鴈與傳音。泠泠  
逝水經新歲。落落寒松只舊心。別後漢陂  
誰與賦。老來梁父不須吟。毀車殺馬吾何  
敢。抱甕相從老漢陰。

送辛幼安

西風掠面不勝塵。老欲從君自濯纁。兩意  
未成還忤俗。一飢相迫又離羣。只今參佐  
須絲禁。何日公卿屬范雲。即物關心

別紅疎綵正春分

城西即事

王琮

清曉離家去路遙。絕憐寒景太蕭條。松深  
漸覺風聲緊。雲動還知雪意銷。沙背客擔  
魚種賣。山頭人拾樹枝燒。梅花多處誰家  
酒。斜舞青帘隔小橋。

春日山行

王庭珪

緩鞚青絲馬。不嘶春山草。長靜柴扉。迸林

宋詩

卷六 七律

十

新筍斑斑出。隔水幽禽歛。飛雨過泉聲。  
鳴嶺背。日長花氣撲人衣。雲藏遠岫茶烟  
起。知有僧居在翠微。

題郭秀才釣亭

野澗江寒一鴈飛。碧蘆花老鱖魚肥。  
遶欄綵水秋初淨。滿棹白蘋人未歸。  
醉任狂風揭茅屋。卧聽殘雪打衰衣。  
他年欲訪沙頭路。會自攜竿扣竹扉。

送胡邦衡之新州貶所

囊封初上九重關。是日清都虎豹閑。  
百辟動容觀奏牘。幾人回首愧朝班。  
名高北斗星辰上。身墮南州瘴海間。  
不待他年公議出。漢廷行召賈生還。

雨後至城外

呂本中

日日思歸未就歸。只今行露已霑衣。  
江村過雨蓬麻亂。野水連天鶴鶴飛。  
塵務却嫌

經意少。故人新。更得書稀鹿門縱。隱猶多事。苦向人前說是非。

次韵周教授秋懷

陳與義

一官不辦作生涯。幾見秋風捲岸沙。宋玉有文悲落水。陶潛無酒對黃花。天機袞袞山新瘦。世事悠悠日自斜。誤矣載書三十乘。東門何地不宜瓜。

寓居劉倉解中晚步過鄭君臺上

紗巾竹杖過荒陂。滿面春風二月時。世事紛紛人易老。春陰溼溼絮飛遲。士衡去國三間屋。子美登臺七字詩。草遠天西青不盡。故園歸計入支頤。

登岳陽樓

洞庭之東江水西。簾旌不動夕陽遲。登臨吳蜀橫分地。徙倚湖山欲暮時。萬里來遊還望遠。三年多難更凭危。白頭弔古霜風

裏老木蒼波無限悲。

已邱書事

三分書裏識巴邱。臨老避兵初一遊。曉木  
聲酣洞庭野。晴天影抱岳陽樓。四年風露  
侵遊子。十月江湖吐亂洲。未必上流須魯  
肅。腐儒空白九分頭。

題東家壁

斜陽步屨過東家。便置清尊不煮茶。高柳

光陰初罷絮。嫩鳧毛羽欲成花。羣公天上  
分時櫟。開客江邊管物華。醉裏吟詩空跌  
宕。借君素壁落樞鴉。

懷天經智老因訪之

今年二月凍初融。睡起蒼涼綠向東。客子  
光陰詩卷裏。杏花消息雨聲中。西菴禪伯  
還多病。北柵儒先只固窮。忽憶輕舟尋二  
子。綸巾鶴氅試春風。

宋詩

卷六

三

舟行遣興

會稽尚隔三千里。臨賀初盤一百灘。殊俗  
問津言語異。長年為客路岐難。背人山嶺  
重重去。照鵝梅花樹樹殘。酌酒施樓今日  
意。題詩船壁後來看。

雨晴

天缺西南江面清。纖雲不動小灘橫。牆頭  
語鶯衣猶溼。樓外殘雷氣未平。盡取微涼  
供穩睡。急搜奇句報新晴。今宵勝絕無人  
共。卧看星河盡意明。

對酒

陳留春色撩詩思。一日搜腸一百迴。燕子  
初歸風不定。桃花不動雨頻來。人間多事  
須微祿。莫裡相逢記此杯。白竹扉前容醉  
舞。烟村渺上欠高臺。

春夜感懷寄席大光

宋詩

卷六

七律

一



管寧白帽且踟躕孤鶴歸期難計年倚杖  
東南觀百變傷心雲霧隔三川江湖氣動  
春還冷鴻雁聲迴人不眠苦憶西州老大  
宋何時相伴一燈前

謝人分餉洞庭柑

曾幾

黃柑分似得嘗新坐我松江震澤濱想見  
霜林三百顆夢成羅帕一雙珍流雲巽霧  
真成酒帶葉連枝絕可人莫向君家樊素

口領尋微齋遠山頻舉

西湖泛舟

朱松

望湖樓下照衰顏羞見塵埃兩鬢斑風艇  
縱看山轉側烟堤儘逐水回還喚人歸去  
城鏡急觸處相親嶺月擘不用新詩摹絕  
境定知長到夢魂間

贈范直夫

將軍競病詩成處南浦春歸蘭玉叢漸減

少言  
卷六  
主  
心情身老大久乖談笑路西東。鄉關落日  
蒼茫外樽酒寒花寂歷中。且與寓公同放  
曠浩歌相屬倚秋風。

別張白彊

王銍

燕子低飛入壞簷。柳條輕拂綠毵毵。故園  
更在北山北佳節可憐三月三。萬古愁多  
憑濁酒。九京事往落清談。都門別恨終難  
寫滿眼風光思不堪。

入春半月未有梅花 尤袤

枯樹扶疎水滿池。攀翻未見玉團枝。應羞  
無雪教誰伴。未肯先春獨探支。幾度杖藜  
貪看早一年芳信。恨開邊留連東閣空愁  
絕只誤何郎作好詩。

德翁有詩再用前韵

文章仙伯記仇池。每想橫斜竹外枝。未放  
柔柯攢玉雪。稍看紅蒂染燕支。別來望遠

憑誰寄老去尋春只恐遲把酒問花花解  
語定應催促要新詩。

立馬黃昏遠曲池幾回踏雪問南枝不應  
春到花猶未定恐寒侵力不支隴上已驚  
傳信晚樽前只想弄粧遲臨風不語空歸  
去獨立無聊自詠詩。

常記尋芳到習池攀條頻認去年枝曉穿  
曲徑干林去晚度危橋一木支不避春寒  
來得得只緣人望故遲遲無錢可辦羅浮  
藥報答春光只有詩。

暮春上塘道中

范成大

店舍無烟野水寒競船人醉鼓闌珊石門  
柳綠清明市洞口桃紅上巴山飛絮著人  
春共老片雲將夢晚俱還明朝遮日長安  
道慚愧江湖釣手閒。

四月五日集陳園照山堂

尋壑經邱到此堂。官閑聊作送春忙。短籬  
水面殘紅滿。團扇風前翠。綠香盡捲簾旌。  
延竹色深斟。杯酒納山光。洞門無鎖。城門  
近。轉午雞啼日正長。

鄂州南樓

誰將玉笛弄中秋。黃鶴飛來識舊游。漢樹  
有情橫北渚。蜀江無語抱南樓。燭天燈火  
二更市。搖月旌旗萬里舟。卻笑鱸鄉舊釣

手武昌魚好便淹留。

初歸石湖

燒霧朝暎紺碧烘。橫塘西岸越城東。行人  
半出稻花上。宿鷺孤明菱葉中。信脚自能  
知舊路。驚心時復認鄰翁。當時手種斜橋  
柳。無限鳴蜩翠掃空。

再題瓶中梅花

園林疎落凍芳塵。南北枝間玉蘂皴。風袂

挽香。雖澹薄。月照橫影已精神。雪霜春事  
 年年晚。今古詩情日日新。鐵石如翁猶索  
 句。真成嚼蠟對橫陳。

新夏感事

陸游

百花過盡綠陰成。漠漠爐香睡晚晴。病起  
 蕪句疎把酒。山深四月始聞鶯。近傳下詔  
 通言路。已卜餘年見太平。聖主不忘初政  
 美。小儒惟有涕縱橫。

遊山西村

莫笑農家臘酒渾。豐年留客足雞豚。山重  
 水複疑無路。柳暗花明又一村。簫鼓追隨  
 春社近。衣冠簡朴古風存。從今若許閒乘  
 月。拄杖無時夜扣門。

上虞逆旅見舊題歲月感懷

昨。艦。為。家。東。復。西。今。朝。破。曉。下。前。溪。青。山  
 缺。處。日。初。上。孤。店。開。時。鶯。亂。啼。倦。枕。不。成

千里夢。壞牆間。覓十年。題漆園。傲吏猶非  
達物我。區區豈足齊。

柳林酒家樓

桃花如燒酒。如海緩纒郊。原當出游。微倦  
放教成午夢。宿醒留得伴。春愁遠途始悟  
乾坤大。晚節偏驚歲月。迺記取。晴明果州  
路。半天高柳。小青樓。

東湖新竹

插棘編籬。謹護持。養成寒碧。映淪漪。清風  
掠地秋先到。赤日行天午。不知解籜時。聞  
聲簌簌。放梢初見葉。離離。官閒我欲頻來  
此。枕簟仍教到處隨。

宴西樓

西樓遺跡尚豪雄。錦繡笙簫在半空。萬里  
因循成久客。一年容易又秋風。燭光低映  
珠簾麗。酒量徐添玉頰紅。歸路迎涼更堪

愛摩訶池上月方中。

題丈人觀道院壁

斷香浮月磬聲殘，木影如龍布石壇。  
 偶駕青鸞塵世窄，閒吹玉笛洞天寒。  
 奇香滿院晨炊藥，異氣穿巖夜浴丹。  
 却笑飛仙未忘俗，金貂猶著侍中冠。  
孫太古畫范長生作舉手整貂蝉像神氣尤奇

成都書事

大城少城柳已青，東臺西臺雪正晴。  
 鶯花又作新年夢，絲竹常聞靜夜聲。  
 廢苑烟蕪迎馬軟，清江春漲拍堤平。  
 尊中酒滿身強健，未恨飄零過此生。

數日暄妍頗有春意，予閑居無日不出遊戲作

小春花蕾索春饒，已有暄風入紫貂。  
 邨路雨晴鳩婦喜，射場草綠雉媒嬌。  
 苑邊結客

飛金勒樓上誰家弄玉簫。莫怪夕陽歸獨後。早梅喚我度谿橋。蜀宣華苑在摩訶池上

桐廬縣泛舟東歸

桐江艇子去乘舟。笠澤老翁歸放慵。一尺輪因霜蟬美。十分湫澗社醅濃。宦遊何嘗路九折。歸卧恨無山萬重。醉裡試吹蒼玉笛。為君終夜舞魚龍。

雨

映空初作繭絲微。掠地俄成箭鏃飛。紙帳光遲饒曉夢。銅鑪香潤覆春衣。池魚鱗鱗隨溝出。梁燕翩翩接翅歸。惟有落花吹不去。數枝紅溼自相依。

書憤

早歲那知世事艱。中原北望氣如山。樓船夜雪瓜洲渡。鐵馬秋風大散關。塞上長城空自許。鏡中衰鬢已先斑。出師一表真名



世千載誰堪伯仲間

村居初夏

天遣為農老故鄉。山園三畝鏡湖傍。嫩莎  
經雨如秧綠。小蝶穿花似繭黃。斗酒隻雞  
人笑樂。十風五雨歲豐穰。相逢但喜桑麻  
長。欲話窮通已兩忘。

余年四十六入峽。忽復二十三年懷

感賦長句

當年弔古巴。東峽雪灑扁舟見早梅。宋玉  
宅邊新酒美。巫山廟下暮猿哀。樵柯爛盡  
碁方劇。客甌炊成夢未回。已把癡頑敵憂  
患。不勞團扇念寒灰。劉夢得團扇歌曰。當  
時初入君懷袖。豈想  
寒爐有  
死灰

和昌英叔久雨

楊萬里

積雨今晨也解休。殷勤日脚傍花流。半明  
衣桁收梅潤。全為農家放麥秋。更着好風

宋詩  
卷六  
三  
墮清句。不知何地頓閑愁。新晴佳處無人  
會。隔柳一聲黃栗留。

霰

雪花遣霰作前鋒。勢頗張皇欲暗空。篩瓦  
巧。尋疎處。漏跳堦。誤到暖邊融。寒聲帶雨  
山難白。冷氣侵人火失紅。方訝一冬暄較  
甚。今宵敢歎卧如弓。

懷古堂前小梅漸開

梅邊春意未全回。淡日微風暗裏催。近水  
數枝殊小在一梢。雙朶忽齊開。生愁落去  
輕輕折。不怕春寒得得來。腸斷故園千樹  
雪。大江西處亂雲堆。

春晴懷故園海棠

竹邊臺榭水邊亭。不要人隨只獨行。乍暖  
柳條無氣力。淡晴花影不分明。一番過雨  
來幽徑。無數新禽有喜聲。只欠翠紗紅映

宋詩

卷六

四

肉。兩年寒食負先生。

寄題曾子與競秀亭

老夫上下蓼花灘。每過君家輒繫船。尊酒  
燈前山入座。孤鴻月底水連天。暄涼書問  
二千里。塲屋聲名三十年。競秀主人文似  
豹。不應霧隱萬峰邊。

辛亥元日送張德茂自建康移帥江

陵

西湖一別忽三年。白首相從豈偶然。到得  
我來恰君去。正當臘後與春前。醉餘犯雪  
追征帽。送了凭欄望。去船待把衣冠挂。神  
武看渠勳業上凌烟。

冬至節後賀皇太子及平陽郡主

長樂鐘聲遠。葛鷺建章星影照。人行千官  
燈語聽殘點。一夜霜寒在五更。金鑰玉篴  
開北闕。銀鞍絲控謁東明。青宮朱邸環天

宋詩

卷六

七律

二五

極五色祥雲覆帝城。

送趙民則少監提舉

座主門生四十年。江湖契濶幾風烟。同朝  
再接鴛行裡。握手相看鶴髮前。誤喜論詩  
追舊事。不知呼酒是離筵。老懷只作還山  
夢。輸與先生早着鞭。

赴文德殿聽麻仍拜表

蒼龍觀闕啟視宸。白玉階除振警羣。仗劍

諸峰獻松雪。霜前一鴈度宮雲。舍人就日  
宣麻制丞相。瞻天進表文。夙退自欣還。自  
笑素餐便當策。殊勲

奉陪彥集充父同遊瑞巖謹次莆田

使君留題之韵

朱子

踏破千林黃葉堆。林間臺殿鬱崔嵬。谷泉  
噴薄秋逾響。山翠空濛晝不開。一壑祗今  
藏勝槩。三生疇昔記曾來。解衣正作留連

宋詩

卷六

十一

五

計未許山靈便却回。

伏讀二劉公瑞巖留題感事興懷至

於隕涕追次元韻偶成二篇錄一

誰將健筆為崖陰。想見當年抱膝吟。緩帶輕裘成昨夢。邊風餘烈到如今。西山爽氣看猶在。北闕精誠直自深。故壘近聞新破竹。起公無路祇傷心。右懷齋學公作

春谷次韻秀野閑居

武夷高處是蓬萊。采得靈根手自栽。地僻芳菲鎮長在。谷寒蜂蝶未全來。紅裳仙欲留人醉。錦障何妨為客開。飲罷醒心何處所。遠山重叠翠成堆。

秀野劉丈寄示南昌諸詩和此二篇

錄一

滕王閣下水初生。聞道登臨復快晴。帝子詎知陳迹在。長江肯趁曲池平。山楹雨罷

珠簾卷。簷鐸風驚玉佩鳴。滿眼悲涼今古恨。人生辛苦竟何成。

題鄭德輝悠然堂

高人結屋亂雲邊。直面羣峰勢接連。車馬不來真避俗。簞瓢可樂便忘年。移筇綠幄成三徑。回首黃塵自一川。認得淵明千古意。南山經雨更蒼然。

九日登天湖以菊花須插滿頭歸分

韻賦詩得歸字

去歲瀟湘重九時。滿城寒雨客思歸。故山此日還佳節。黃菊清罇更晚暉。短髮無多休落帽。長風不斷且吹衣。相看下視人寰小。祇合從今老翠微。

前村梅次韻秀野閑居十五詠之末篇

玉立寒烟寂寞濱。仙姿瀟灑淨無塵。千林搖落今如許。一樹橫斜獨可人。真與雪霜

娛晚景任從桃柳斃殘春綠陰青子明年  
事衆口驚嗟鼎味新。

叔通老友探梅得句垂示且有領客

攜壺之約

迎霜破雪是寒梅何事今年獨晚開應為  
花神無意管故煩我輩着詩催繁英未怕  
隨清角疎影誰憐蘸綠杯珍重南鄰諸酒  
伴又尋江路探香來

賀重駕幸秘書省

呂祖謙

麟臺高柳識凋輿共記中興幸省初黃道  
再傳天子輝青編重入史臣書需雲下際  
君恩盛晨露高張樂節舒若寫鴻猷參大  
雅定非周鼓頌畋漁

紫青丹極與天鄰闔闢乾坤繫笑顰獨爲  
斯文回一顧坐令吾道重千鈞先王舊物  
參差見列聖明謨次第陳墨客區區感榮

宋詩 卷六 一  
遇豈知深意在彛倫。

題湖邊莊

王十朋

十里青山蔭碧湖。湖邊風物盡難如。夕陽  
茅舍客沽酒。明月小橋人釣魚。舊卜草莊  
臨水竹。來尋野叟問耕鋤。他年待掛衣冠  
後。乘興扁舟取次居。

扈駕

呂定

八月秋高戰馬肥。觀兵郊外振天威。一聲

鳳吹迎鸞馭。五色龍文雜袞衣。劍戟橫空  
金氣肅。旌旗映日彩雲飛。令嚴星火諸軍  
奮。直定單于塞上歸。

班師

紫塞回鑿雪。正晴王師百萬擁。連營馬嘶  
大地山河壯。旗捲長空日月明。龍虎臺高  
千嶂聳。鳳凰城近五雲生。聖顏有喜天心  
順。中外歡聞奏凱聲。



蚤春即事

華岳

楊柳絲絲弄淡黃。怯寒燕子未歸梁。曉迷  
芳草。雕髮濕。夜宿閑花蝶翅香。得句自慚  
泚子美。賞音猶恐悞中郎。願言相約花前  
醉。莫放春容過海棠。

即事

陳造

江樣晨光入縣門。樓斜晚影到漁村。海聲  
不為無風靜。山色居常帶霧昏。問俗即今  
防喝日來時。撫事錯銷魂。浮生寄寓君恩  
重。未覺天涯異故園。

頃遊龍井得一聯王伯齊同兒輩遊

因足成之

樓 鑰

路入風篁上翠微。老龍蟠井四山圍。水真  
綠淨不可唾。魚若空行無所依。勝處雖多  
終莫及。舊游誰在事皆非。祇今匏繫何由  
到。徒羨鸞鑣帶月歸。

宋詩

卷六

三

九月十三日始就郊墅拜寶謨閣直  
學士提舉江州太平興國宮之命

岳珂

槐影西清舞翠鸞竹宮高接五雲環職陪  
溫洛圖書地名在元封卜祝間畫舫未承  
龍閣問長香猶厠羽衣班祠官到處無公  
事且聽松聲老此山

鼓瑟

劉仙倫

滿樓明月調雲和五十弦中急雨過彩鳳  
拂衣鳴翠竹素鱗鼓鼉出寒波淒涼楚客  
新愁斷清切湘靈舊怨多一曲更沈人已  
靜江頭雲挂綠嗟峨

王壺即事

杜範

雨過條風著柳芽淡黃淺綠嫩如花陂湖  
漾漾初侵路蜂燕紛紛各理家帶郭園林  
仙苑近送春舫繡簾遮芸牕倦倚何山

宋詩

卷六

七律

三

翠暖靄輕籠日脚斜。

夢尋梅

方岳

野迳深藏隱者家。岸沙分路帶溪斜。馬蹄  
殘雪六七里。山紫有梅三四花。黃葉擁籬  
埋藥草。青松煖芋託桑麻。一生烟雨蓬茅  
底。不夢金貂侍玉華。

詠梅

張道洽

纔有梅花似絕塵。霜鋪月冷倍精神。風流

晉宋之間。客清逸。義皇以上。人年後臘前  
無盡意。水邊林下自然春。萬花錦繡東風  
開。難浼脩脩玉雪身。

纔有梅花便不同。一年清致雪霜中。疎疎  
籬落娟娟日。寂寂軒窗淡淡風。生長元從  
瓊玉圃。安排合在水晶宮。何須更探春消  
息。自有幽香夢裡通。

湖上即事

陳起

宋詩  
卷六  
三  
波光山色兩盈盈。短策青鞵信意行。蘇草  
烟開。遙認鷺柳條。春蚤未藏鶯。誰家艷飲  
歌初歇。有客孤舟。笛再橫。風景無窮吟莫  
盡。且將酌。酌樂浮生。

送廣州劉叔治倅欽州兼守事

樂雷發

天涯亭畔擁提屏。丹荔蕉黃滿去程。早蓋  
卻迎新別駕。碧幢應憶老先生。象跡印雨

歸蠻國。鯨鬚風掀潮撼海。城曾是鄉賢分守

處。試尋醉石共題名。

余靖韶州人曾守欽

多景樓

柴望

蚤被垂楊繫去舟。五更潮落大江頭。關河  
北望幾千里。淮海南來第一樓。昔口最多  
風景處。今人偏動黍離愁。烟沙瀕洞翻蘋  
末。欲倚西風問仲謀。

